



**Broj: T18 0 KT 0017753 24**

**Brčko, 14.11.2024. godine**

Na osnovu člana 35 stav (2) tačka h) i člana 226 stav (1) Zakona o krivičnom postupku Brčko distrikta BiH, podižem:

## OPTUŽNICU

### Protiv:

**R. P.**, rođen ...1998. godine u Brčkom,

### Što je:

Dana 31.05.2024. godine, oko 11,00 sati, u Brčkom, u ulici Rine Čaulića, upravljajući teretnim motornim vozilom marke „VW Transporter“, registarskih oznaka T56-J-201, vlasništvo JP „Komunalno Brčko“ d.o.o., postupajući suprotno odredbi člana 36 stav (1) i odredbi člana 41 stav (1) Zakona o osnovama bezbjednosti saobraćaja na putevima BiH („Službeni glasnik BiH” broj 6/06, 75/06, 44/07, 84/09, 48/10, 18/13, 8/17, 89/17 i 9/18), svjestan da radnju vožnje unazad smije da počne samo na kratkom dijelu puta, ako se prethodno uvjerio da to može učiniti bez opasnosti za druge učesnike u saobraćaju ili imovinu, kao i pod uslovom da ih ne ugrožava i ne ometa, vodeći pri tome računa o položaju vozila i pravcu i brzini kretanja, olako držeći da do saobraćajne nezgode neće doći, otpočeo kretanje vozilom unazad iz ulice Antuna Gustava Matoša prema ulici Rine Čaulića, i tom prilikom nije uočio pješaka E. B. koji se kretao u istom smjeru kao i vozilo središnjim dijelom desne kolovozne trake, pa je vozač teretnog vozila, nakon pređenih 20-ak metara vožnje unazad, središnjim dijelom zadnje stranice tovarnog sanduka ostvario kontakt sa tijelom pješaka E.B., usljed čega je E.B. pao na kolovoz i zadobio tešku tjelesnu povredu u vidu preloma glave i vrata desne ramenične kosti (nadraktične kosti) i više lakih tjelesnih povreda u vidu nagnječno razderne rane na glavi i desnoj strani lica, oguljotine kože na desnoj strani lica i oguljotine kože na lijevoj šaci,

dakle, kao učesnik u saobraćaju na putevima, nije se pridržavao saobraćajnih propisa, pa je time iz nehata ugrozio javni saobraćaj da je doveo u opasnost život ljudi, zbog čega je kod drugog nastupila teška tjelesna povreda,

čime je učinio krivično djelo –Ugrožavanje javnog saobraćaja– iz člana 326 stav (3) u vezi sa stavom (1) Krivičnog zakona Brčko distrikta BiH.

[...]